



ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 160 (11.721)

Баҳоси эркин нархда

МАМЛАКАТИМИЗДА

● Тошкентда Ўзбекистон Республикаси Олий суди, Олий суд ҳузуридаги суд қонунчилигини демократлаштириш ва либераллаштириш ҳамда суд тизими мустақиллигини таъминлаш бўйича тадқиқот маркази ва БМТнинг Наркотик моддаларни назорат қилиш ва жиноятчиликнинг олдини олиш бошқармасининг Марказий Осиёдаги минтақавий ваколатхонаси билан ҳамкорликда халқаро минтақавий семинар ташкил этилди.

● Наманган вилояти марказидаги беш ярим мингдан зиёд аҳоли истиқомат қиладиган «Мустақилликнинг беш йиллиги» маҳалласида замонавий мактаб билими олишлари курилиб, фойдаланишга топширилди. 540 нафар ўқувчига мўлжалланган ўқув даргоҳида ёшларнинг пухта билим олишлари учун барча шароит яратилган. Ушбу билим маскани курилиши учун давлат бюджетидан 1 миллиард 834 миллион сўмлик маблағ сарфланди.

● Фарғонада «Маҳалла тарихи» кўрик-танловининг вилоят босқичи бўлиб ўтди. Республика «Маҳалла» жамғармаси, Республика Маънавият тарғибот маркази ва «Қамолот» ЁИХ ҳамкорлигида ташкил этилган танловда шаҳар ва туман босқичларининг ғолиблари ўзаро куч синашди.

● Янги ўқув йилига пухта тайёргарлик кўриш, умумтаълим мактаблари, академик лицей ҳамда касб-хунар коллежлари ўқувчиларини дарсликлар ва зарур кийим-кечаклар билан таъминлаш мақсадида Бухоро вилоятидаги барча шаҳар ва туманларда 133 та мактаб бозори ва ярмаркаси ташкил этилди.

● Хоразм вилояти Бобоғ туманидаги «Kottontex» масъулияти чекланган жамияти негизда шу йилнинг март ойида Ўзбекистон — Россия қўшма корхонаси ташкил этилди. Йилига икки ярим минг тонна ип-калава ишлаб чиқариш қувватига эга мазкур корхонада юздан зиёд ишчи-хизматчи меҳнат қилмоқда. Модернизация самарасини корхона томонидан жорий йилнинг биринчи ярмида 2 миллиард 146 миллион сўмликдан зиёд маҳсулот ишлаб чиқарилгани ҳам кўрсатиб турибди.

● Самарқанд вилояти ўлкашунослик музейида мамлакатимизнинг турли вилоятларида фаолият кўрсатаётган музейлар раҳбарлари иштирокида семинар бўлиб ўтди.

ЖАҲОНДА

● Кеча Испанияга уч нафар кубалик муҳожир ўз оиласи билан келди. Кейинги бир ой ичида Испанияга яшаш учун келган кубалик муҳолифатдаги муҳождирлар сони шу тариқа 23 тага етди.

● Кеча Афғонистоннинг Бағдод шаҳрида эрта тонгда ва кечки пайт амалга оширилган иккита террорчилик ҳаракати натижасида 61 киши ҳалок бўлди, кўплай одамлар оғир тан жароҳатларини олди. «Ал-Қоида» гуруҳи ушбу терактларни амалга оширганликда гумон қилинмоқда.

● Япония иқтисодий ўсиш бўйича жорий йилнинг иккинчи чорагида ўз ўрнини Хитойга бўшатиб берди. Таъкидлаш жоизки, Япония иқтисодий ўсиш бўйича 1968 йили АҚШни орта қолдириб, Германиядан кейин иккинчи ўринга кўтарилган эди. У ўз навбатида 42 йил давомида сақлаб турди.

● Хитойдаги пиротехника маҳсулотлари ишлаб чиқариладиган фабрикада портлаш рўй берди. Воқеа Ичун шаҳрида содир бўлиб, портлаш оқибатида 19 киши ҳаётдан кўз юмди, 153 нафар одам жароҳатланди, 5 киши бедарак йўқолди. Ҳозирда портлаш сабаблари ўрганилмоқда.

● Футбол бўйича Франция терма жамоасининг Жанубий Африка Республикасида ўтказилган жаҳон чемпионатида ўзининг ноҳўя хатти-ҳаракатларини кўрсатган тўрт нафар ўйинчисига жазо чоралари қўлланилиб, терма жамоа таркибида бир нечтадан ўйинда майдонга тушишдан четлатилди. Бунда энг оғир жазони Н.Анелкага нисбатан қўлланилди. У терма жамоасининг 18 та учрашувида майдонга тушмайди.

● Англиянинг Лестершир графлигида яшовчи Эд Стаффорд 6400 километрга тенг Амазонка дарёси бўйини пиёда айланиб чикди. Асли харбий бўлган Стаффорд 859 кун мобайнида яёв юрган ва шу тариқа у инсоният тарихида энг узун дарёни айланиб чиққан биринчи киши бўлди. Эднинг ўзи эса, бу ишга қўл урганлигининг асосий сабаби кенг жамоатчилик диққатини экологик муаммоларга қаратиш, жумладан, Амазонка дарёси ҳолати ҳақида хабардор қилиш эканлигини айтиб ўтган.

ПОЙТАХТНИНГ БИР КУНИ

Айни кунларда юртимизнинг ҳар бир гўшасида энг азиз, энг улғ айём — Мустақиллигимизнинг 19 йиллик байрамига қизгин тараддуд кетмоқда.



Тумандаги корхоналар, таълим муассасалари, маҳаллалар ҳаёти билан яқиндан танишиб, тобора яқинлашиб келаётган байрам нафасини ҳис этдик. Кўчалар, гузарлар, бутун чор-атрофи озода, саранжом-сарийшта қилишга киришган шайхонтоҳурликларга байрам муборак, юрт қорига камарбаста бўлишдек хайрли ишда асло чарчаманг, деб қоламиз.

(Шайхонтоҳур туманига бағишланган материаллар билан газетанинг 2-саҳифасида танишасиз)

ШАЙХОНТОҲУР ТУМАНИ: ИСЛОҲОТ ОДИМЛАРИ

Пойтахти азимга ўзига хос кўрк ва салобат бағишлаётган, кундан-кунга чирой очиб бораётган Шайхонтоҳур туманида ҳам бу борада кўлами кенг бунёдкорлик ишлари амалга оширилиб, «тўйга тўёна билан» нақли бўй кўрсатмоқда.

Қад ростлаётган мухташам, салобатли бинолар, кенг ва раvon йўллар, замонавий спорт мажмуалари, касб-хунар коллежлари, академик лицей ва мактаблар кўзни қувнатапти. Барқамол авлод йилида ёшларнинг таълим-тарбияси, соғлиги, жисмонан етуқлиги йўлида корхона, ташкилот, муассасалар ҳамкорлигида режалар ишлар олиб борилмоқда. Айниқса фарзандларимизнинг интеллектуал салоҳиятини рўёбга чиқариш борасидаги саъй-ҳаракатлар ўз самарасини бераётди.

Ҳар бир жабҳада изчил ислохотлар давом этмоқда. Жорий йилнинг биринчи ярим йиллиги давомида санаот корхоналари томонидан 528,1 миллиард сўмлик маҳсулот ишлаб чиқарилиб, ўсиш суръати ўтган йилнинг шу даврига нисбатан 109,7 фоизни ташкил этди. Бунда «Тошкент қувур заводи», «Ўзкейссервис», «Олпласт», «Узмалойл» қўшма корхоналари, «Қамхар» МЧЖ, «Сифат», «Ротор» унитар корхоналари, «Ниҳол тажриба заводи»нинг ҳиссаси катта бўлди.

Туманда 35 та субъект худудий экспорт дастурига киритилган бўлиб, ўтган олти ой мобайнида 10,8 миллион долларга тенг маҳсулот ва хизматлар экспорт қилинган. Хорижий инвестиция иштирокида 16 та янги корхона ташкил қилинди. Умуман олганда, янги ишлаб чиқариш объектларини ишга тушириш, қайта қуриш ва кенгайтириш, яқка тартибдаги тадбиркорликни, уй меҳнатининг барча шакллари ривожлантириш ҳисобига 6489 та янги иш ўрни яратилди.

Мамлакатимизда шахс ва оиланинг ҳуқуқ ва манфаатларини ҳимоя қилиш, аҳолининг ҳуқуқий маданияти ва онгини ошириш демократик ҳуқуқий давлат ва фуқаролик жамияти барпо этишнинг муҳим шарти сифатида белгиланган. Зеро, ҳуқуқий маданияти юксак жамиятда қонун устуворлигини таъминлаш ҳам, улارнинг амалдаги ижросини жамоатчилик томонидан назорат қилиш ҳам, фуқароларнинг конституциявий ҳуқуқ ва эркинликларини амалиётга татбиқ этиш ҳам самарали бўлади.

Мамлакатимизда шахс ва оиланинг ҳуқуқ ва манфаатларини ҳимоя қилиш, аҳолининг ҳуқуқий маданияти ва онгини ошириш демократик ҳуқуқий давлат ва фуқаролик жамияти барпо этишнинг муҳим шарти сифатида белгиланган. Зеро, ҳуқуқий маданияти юксак жамиятда қонун устуворлигини таъминлаш ҳам, уларнинг амалдаги ижросини жамоатчилик томонидан назорат қилиш ҳам, фуқароларнинг конституциявий ҳуқуқ ва эркинликларини амалиётга татбиқ этиш ҳам самарали бўлади.

ЮКСАК ҲУҚУҚИЙ МАДАНИЯТ — ҲУҚУҚИЙ ДАВЛАТ АСОСИ

изчил чора-тадбирлар билан уйғунлиқда амалга ошираёттир. Жорий йилнинг ўтган даврида жойларда, хусусан, Тошкент шаҳар адлия идораларининг жамиятда ҳуқуқий маданиятни юксалтириш ва қонун устуворлигини мустаҳкамлашга йўналтирилган тарғибот ишлари ўз самараларини бераётгани таъкидланди. Соҳа ходимлари аҳолининг ҳуқуқий маданиятини ошириш билан боғлиқ ишларни фуқаролар ва тадбиркорларнинг ҳуқуқ ва манфаатларини ҳимоя қилишга доир

сида ва назорат тартибида қилинаётган ишлар самардорлиги янада ошмоқда. Жумладан, тадбиркорлик субъектлари манфаатини кўзлаб тегишли идораларга юзга яқин тақдимнома киритилди. Натижада тадбиркорлар манфаатларига зарар етказган кўплай масъул шахсларга интизомий жазо чоралари кўрилди. Қонунбузарликка йўл қўйган тўрт нафар мансабдор шахс эгаллаб турган лавози-

мидан озод қилинди. Судларга киритилган даъво аризалари кўриб чиқилиши натижасида тадбиркорларнинг 500 миллион сўмдан зиёд маблағи ундирилди. Тошкент шаҳар ҳокимлиги, ҳуқуқни муҳофаза қилувчи идоралар вакиллари, маҳалла фаоллари иштиндор ходимлари иштирок этган тадбирда фуқаролар ҳамда тадбиркорлик субъектларининг қонуний манфаатларини ҳимоя қилиш борасидаги самарадорликни янада ошириш юзасидан олиб борилаётган тадбирлар ва навбатдаги вазибаларга бағишланган маърузалар тингланди. (ЎЗА)

Ўзбекистон Бадий академияси Марказий кўرғазмалар залида Ватанимиз мустақиллигининг 19 йиллигига бағишлаб ўтказилаётган «Энг улғ, энг азиз» республика кўрик-танловига тасвирий ва фото санъат йўналиши бўйича тушган ижодий ишлардан иборат бадий кўрғазма ташкил этилди.

ТАБАРРУК ДИЁР МАДҲИ

Кўрғазманинг очилишида Президентимиз Ислам Каримов раҳнамолигида миллий қадриятларимизни асраб-авайлаш, ривожлантириш ва ёш авлодга етказиш, ижодкорлар учун барча шароит ва имкониятларни яратиш борасида амалга оширилаётган эзгу ишлар юксак самаралар бераётгани алоҳида таъкидланди. Бунда ўтказилаётган турли кўрик-танлов, фестивал ва анжуманларнинг аҳамияти юқори бўлаёттир.

«Энг улғ, энг азиз» республика кўрик-танлови бу йил «Бу муқаддас Ватанда азиздир инсон» шиори остида ўтмоқда. Танловда иштирок этиш истагидаги ижодкорлар сафи йил сайин кенгайиб бораётгани баробарида ижодий ишлар сифати, савияси ҳам тобора юксалаёттир.

Тасвирий ва фото санъат йўналиши бўйича тақдим этилган ишлар жанр, услуб ва мазмуви бўйича ранг-баранг ва қамрови кенгдир. Асарларда истиқлолимизнинг ҳар бир юрдошимиз ҳаётидаги инъикоси, барча жабҳаларда эришаётган ютуқларимиз, тинч, осуда ва фаровон ҳаётимиз, халқимизнинг буоқ бунёдкорлик салоҳияти, самимий ва меҳнатқаш ҳамкорларимиз қиёфаси ёрқин рангларда тасвирланган.

Президентимиз Ислам Каримовнинг 1997 йил 25 июнда қабул қилинган «Ҳуқуқий тарбияни яхшилаш, аҳолининг ҳуқуқий маданияти даражасини юксалтириш, ҳуқуқшунос кадрларни тайёрлаш тизимини такомиллаштириш, жамоатчилик фикрини ўрганиш ишини яхшилаш ҳақида»ги Фармони бу борада муҳим дастуриламал бўлмоқда. Ўзбекистон Республикаси Адлия вазирлиги томонидан Ўзбекистон тарихи давлат музейида жамиятда ҳуқуқий маданиятни янада юксалтириш борасида амалга оширилаётган ишлар ва келажақдаги вазифаларга бағишлаб ўтказилган конференцияда шу ҳақда гап борди. Тадбирда адлия идораларининг жамиятда ҳуқуқий маданиятни юксалтириш ва қонун устуворлигини мустаҳкамлашга йўналтирилган тарғибот ишлари ўз самараларини бераётгани таъкидланди. Соҳа ходимлари аҳолининг ҳуқуқий маданиятини ошириш билан боғлиқ ишларни фуқаролар ва тадбиркорларнинг ҳуқуқ ва манфаатларини ҳимоя қилишга доир

**ҚИСҚА
САТРАРДА**
Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **ХАЛҚ** депутатлари Тошкент шаҳар Кенгашининг доимий комиссияси ташаббуси билан бизнес субъектлари ва молия соҳаси вакиллари иштирокида тадбиркорликни қўллаб-қувватлаш масалаларига бағишланган семинар бўлиб ўтди.



✓ **АМИР ТЕМУР** шоҳқўчасида барпо этилаётган Тошкент молия институтининг янги биноси курилишида «Қамолот» ЁИХ ташаббуси билан ташкил этилган «Бунёдкор ёшлар» меҳнат гуруҳлари фаол қатнашмоқда.

✓ **ШАХРИМИЗДА** банк соҳаси мутахассислари, молия тизими ходимлари иштирокида уюштирилган семинар-тренингда микромолиявий имкониятларни кенгайтириш ҳақида фикр-мулоҳазалар алмашилди.

✓ **ЮРТИМИЗ** Мустақиллигининг 19 йиллигига туҳфа сифатида Алишер Навоий номидаги киносаройда янги болалар томоша зали бунёд этилди.



ШАЙХОНТОХУР ТУМАНИ: ИСЛОҲОТ ОДИМЛАРИ



САЛОМАТЛИК ГАРОВИ

Юртимиз том маънода ёшлар мамлақати. Шундан келиб чиққан ҳолда «Баркамол авлод йили» Давлат дастури ижросини таъминлаш, ёшларнинг ижодий ва интеллектуал салоҳиятини рўёбга чиқариш, йигит-қизларимизни XXI аср талабларига тўлиқ жавоб берадиган ҳар томонлама ривожланган шахслар этиб воёга етказиш мақсадида туманда кенг кўламли чора-тадбирлар амалга оширилмоқда.

Ёш авлоднинг жисмонан соғлом бўлиши, болаларни спортга мунтазам шугулланишга жалб этиш, янги мажмуалар, стадионлар ва иншоотлар қуриш, уларни замонавий спорт анжумлари билан жиҳозлаш, шунингдек малакали мураббийлар билан мустаҳкамлашга катта эътибор қаратиб келинаётир.

Жумладан, жорий йилнинг ўзида «Белтепа» спорт мажмуаси, маҳаллалардаги 23 та болалар ўйин ва спорт майдончалари таъмирланди, бир қатор янги-лари қурилиб, фойдаланишга топширилди. — Ҳозирги ёшларнинг ёзги таътил кунларини мазмунли ўтказиш, оромгоҳларда мароқли дам олишини ташкил-

лаштириш мақсадида мунтазам спорт мусобақалари ўтказилиб келинмоқда, — дейди Болалар спортини ривожлантириш жамғармаси туман бўлими мутахассиси Шерзод Зияматов. — Баскетбол, мини-футбол, волейбол, кўл түпи, энгил атлетика, шахмат, шашка, стол тенниси ва кураш бўйича мусобақалар 20, 320,

102, 115, 324-мактаблар қошида ташкил этилган оромгоҳларда кенг миқёсда ўтказилиб, уларга 485 нафар ўқувчи-ёшлар қамраб олинди. Бундан ташқари, 60 нафар кам таъминланган оила фарзандларига «Жар» спорт-соғломлаштириш мажмуасига сузиш хавзасига чипталар ҳам берилди.

ФАКТ ВА РАҚАМЛАР

• Майдони 27,2 квадрат километрдан иборат Шайхонтохур туманида 291,1 минг аҳоли истиқомат қилади.

• Туманда 16 та йирик ва тўрт мингга яқин кичик корхоналар фаолият кўрсатади.

• Ёш авлод таълим-тарбияси йўлида 48 та мактабгача таълим, 40 та мактаб, бешта академик лицей, ўн та касб-хунар коллежи, тўртта олий таълим муассасаси хизмат кўрсатади.

• Баркамол авлод йилида тумандаги Республика рассомлик ва матбаа-ноширлик коллежларида реконструкция ишлари олиб борилмоқда. Мустақиллик байрамига ушбу таълим масканлари замонавий кўринишда фойдаланишга топширилади.

• «Мафтуркор ранглар олами» кўрик-танловида 37-мактабнинг 28 нафар тарбияланувчиси иштирок этиб, аксарияти голиблар сафида совғалар билан тақдирланди.

• 36 та мактаб замонавий компьютер билан таъминланиб, «Ziyo NET» тармоғига уланган, 20 та мактабда компьютер синфлари очилган.

• Тижорат банкларни томонидан янги иш ўринларини яратиш, кичик бизнес ва тадбиркорликни ривожлантириш мақсадида 4,2 миллиард сўм кредит ажратилган.

• Мустақиллик байрами шодиёналари давомида туман ҳокимлиги томонидан 8 жуфт келин-куёвнинг никоҳ тўйлари ўтказилиб берилди.

Кейинги йилларда ўсиб келаётган авлодни ҳар томонлама камол топтириш, истеъдодини ривожлантириш, ёшларнинг миллий ва жаҳон мусиқаси, тасвирий санъатнинг юксак намуналаридан кенг баҳраманд бўлиши учун зарур шароитлар яратишга катта эътибор қаратилмоқда.

Бу борада айниқса мамлакатимиз Президентининг «Болалар мусиқа ва санъат мактабларининг моддий-техник базасини мустаҳкамлаш ва уларнинг фаолиятини янада яхшилаш бўйича 2009-2014 йилларга мўлжалланган Давлат дастури тўғрисида» ги Қарори дастуруламал бўлмоқда. Тизимдаги ўқув муассасалари тубдан таъмирланиб, замонавий жиҳозлар билан таъминланмоқда.

Фикримизни 23-болалар мусиқа ва санъат мактаби мисолида давом эттирадиган бўлсак, ушбу таълим масканида бугун қурилиш-таъмирлаш ишлари жадаллик билан кетмоқда.

— Мактабимиз 1970 йилда қурилган бўлсада, мустақиллик шарофати билан энди мукам-

мал таъмирланмоқда, — дейди мактаб директори Олим Муҳидинов. — Ҳозирги кунда бош

ўзи лойиҳанинг кўламинан далолат беради.

Ўқув масканида 260 нафардан зиёд ўғил-қизлар фортепиано, скрипка, ўзбек халқ чолғулари ва пуфлама асбоблар, эстрада хонандалиги, тасвирий санъат ва хореография йўналишлари бўйича билим олиши учун тегишли шароитлар яратилиб, улар 33 нафар устоз-мураббий кўмағида гўзаллик олами сирларидан воқиф бўлмоқда. Бу ерда ҳақиқий иқтидор соҳиблари етишиб чиқаётганлигини ўқувчилардан Рустам Умаров ва Сетора Ҳамроқулова «Янги авлод» болалар фестивалида, шу-

нингдек академик чолғулар ва эстрада ижрочилиги бўйича танловларда голиб бўлгани тасдиқлайди. — 7 ёшдан 11 ёшгача бўлган болажонларни санъатга ошурф та этган ҳолда улар орасидан энг иқтидорли, изланувчан, зеҳнлиларни танлаган йўналиши бўйича янада пухта ўргатишга ҳаракат қиламиз. Мақсадимиз ёшларимизнинг истеъдоди ва иқтидорини муносиб баҳолашга кўмаклашишдир, — деди таъкидлаб О.Муҳидинов.

Ёшлар — келажакимиз МУСИҚА ЭЗГУЛИККА ЕТАКЛАЙДИ

пудратчи «Араббой» хусусий корхонаси қурувчилари пардозлаш ишларини олиб бормоқда. Асосий бинога қўшимча 150 ўринга мўлжалланган концерт зали барпо этилди, ўқувчиларга барча шарт-шароитлар яратилган ҳолда синфлар орасидаги деворларга шовқинни тўсувчи алоҳида ускуналар ўрнатилди. Мактабимиз эндиликда мусиқа ва санъат мактабида фаолият юритади. Биргина қурилиш ишларига 721,4 миллион сўм сарфланганининг

қурилиш ишларига 721,4 миллион сўм сарфланганининг

ДОИМИЙ ИЗЛАНИШ ВА ИНТИЛИШДА

Бугунги кунда тадбиркорликка қаратилётган катта эътибор натижаси ўлароқ янгилик яратиб, иқтисодиётимизни юксалтиришга бел боғлаётган тадбиркорлар сафи ортиб бормоқда.

этиш, қўшимча иш ўринлари яратишга ҳаракат қилинмоқда.

— Маҳсулотларимиз хиллини кўпайтиришга интил-

моқдамиз, — дейди директори ўринбосари Саидбиби Ҳасанова. — Яратилаётган қулай шароитдан фойдаланган ҳолда корхонада

модернизация жараёни давом этмоқда, шунингдек

яқин орада бир нечта янги турдаги шампунь ишлаб чиқаришга мўлжалланган линия фойдаланишга топширилади. Бунинг натижасида 12 та қўшимча иш жойи очилади. Албатта, мақсадимиз маҳсулотлар ҳажминини кўпайтириш баробарида хорижий буюртмаларни ҳам оширишдир.

Саҳифа материалларини Шоира МУҲАМЕДОВА тайёрлади Козим Ўлмасов олган суратлар

2010 йил — Баркамол авлод йили

ЁШ ТАДБИРКОР — ЮРТГА МАДАДКОР

Мамлакатимизда Президентимиз Ислам Каримов раҳнамолигида ёшлар учун янги иш ўринлари ташкил этиш, тадбиркорликни қўллаб-қувватлашга алоҳида эътибор қаратилмоқда. Бу борада «Камолот» ёшлар ижтимоий ҳаракати томонидан муайян ишлар амалга ошириляптир.

«Камолот» ёшлар ижтимоий ҳаракати марказий кенгашидан олинган маълумотларга кўра, «Баркамол авлод йили» Давлат дастури доирасида ҳамкор ташкилотлар билан 2010 йилнинг биринчи ярмида ўтказилган меҳнат ярмаркалари орқали 3000 нафардан зиёд ёш ишга жойлашган.

Ёшларни кичик бизнес ва хусусий тадбиркорликка кенг жалб этиш, уларда тадбиркорлик кўникмасини шакллантиришга алоҳида эътибор қаратилмоқда. 2008 йилдан буён «Микрокредитбанк» ҳамда Ўзбекистон Савдо-саноат палатаси билан ҳамкорликда аъёнанинг тарзда ўтказилаётган «Ёш тадбиркор — юртга мададкор» лойиҳаси ҳам айти шундай мақсадларга хизмат қилаётир.

Ўтган вақт мобайнида мазкур лойиҳа асосида 2144 ёшга банкдан имтиёзли микрокредитлар ажратилди. Бундан ташқари, танлов асосида саралаб олинган 28 нафар ўғил-қизга берилган кредит суммаларининг фоиз ставкалари «Камолот» томонидан тўлаб берилмоқда.

Пойтахтлик Шахло Зоирова 2009 йили мазкур танловда голиб чиқиб, «Микрокредитбанк»дан 1,6 миллион сўмлик кредит олиб, «Шахлофайз» маиший хизмат кўрсатиш шохобчасини ташкил қилди. Бугун бу ерда аҳолига тикувчилик хизмати кўрсатиб келинмоқда.

— Юртимизда ёшлар ўзи қизиққан соҳада фаолият юритиши учун барча шарт-шароит яратилган, — дейди ЎзА муҳбирига Шахло. — Кичик корхонамизда аҳолига кийим-кечак тикиш билан бирга аёлларга касаначилик, чеварлик хунари ҳам ўргатилмоқда. Ҳозир ўндан зиёд хотин-қиз иш билан банд.

Қашқадарёлик Азамат Махсумов қурилиш материаллари ишлаб чиқариш лойиҳаси билан танловда голибликни қўлга киритиб, «Агробанк»дан 16 миллион сўмлик имтиёзли кредит олди. Бугун у кишлоқларда барпо этилаётган замонавий уй-жойлар учун зарур қурилиш материаллари етказиб бераётир. Бундан ташқари, кишлоқдаги 12 нафар ёш иш билан таъминлади.

Жорий йилда «Камолот» томонидан ёшларнинг тадбиркорлик фаолиятини янада қўллаб-қувватлаш мақсадида Ўзбекистон Меҳнат ва аҳолини ижтимоий муҳофаза қилиш вазирлиги, республика банклари ҳамда Савдо-саноат палатаси билан ҳамкорликда қатор шартномалар имзоланиб, янги лойиҳалар ишлаб чиқилди.

Бу лойиҳаларга асосан ёшларнинг, айниқса, чекка ҳудудлардаги йигит-қизларнинг тадбиркорлик тақлифлари мутахассислар томонидан ўрганилган ҳолда тегишли тижорат банклари орқали энг кичик фоиз ставкаларида молиялаштириш режалаштирилган. Шунингдек, ёшлар бандлигини таъминлаш, уларда тадбиркорлик кўникмаларини шакллантириш мақсадида, жойларда соҳа мутахассислари иштирокда ўқув семинарлари ташкил қилинаётир.

Буларнинг барчаси ёшларда бозор иқтисодиёти муносабатларида оид кўникмалар ва мулкка эгаллик туйғусини кучайтириш, кичик ва хусусий тадбиркорликни ривожлантириш, ёшларни иш билан таъминлашдек эзгу мақсадларга хизмат қилмоқда.

Гўзал САТТОВА

Иқтисодиёт

ЭКСПОРТ ҚИЛИНМОҚДА

Бозор талабларидан келиб чиққан ҳолда изланаётган кўплаб корхоналарда тайёрланаётган рақобатбардош товарларга хорижий харидорлардан ҳам буюртмалар тушмоқда. Бу эса экспортни йўлга қўйишда муҳим аҳамият касб этмоқда.

«Огнепир» масъулияти чекланган жамияти ҳам ана шундай корхоналар сирасидан бўлиб, 10 йиллик фаолияти давомида маҳсулот турлари, ишлаб чиқариш ҳажми орттиришга эришилди. Мазкур корхонада олов ва кислотабардош маҳсулотлар ишлаб чиқарилади. Импорт ўрнини босувчи мазкур товарлар халқ хўжалигининг кимё, металлургия, нефть-газ саноатида кўл келади.

Айни пайтда корхонада 2,5 мингдан зиёд маҳсулот турлари тайёрланмоқда. Ўтган йилда корхонада 7 миллиард сўмлик маҳсулот ишлаб чиқаришга муваффақ бўлинди. Жумладан, 650 минг АҚШ долларлик маҳсулотлар Тожикистон, Қозғистон сингари Ҳамдўстлик давлатларига экспорт қилинди.

Шу ўринда таъкидлаш жоизки, маҳаллийлаштириш дастури ижросини таъминлаш йўлида корхонада ўзига хос ишлар бажарилмоқда. Цехларни техник ва технология жиҳозлаш режасига кўра 2009 йилда Россия ва Украинадан янги технологик линия келтириб ўрнатилди. Шу боис ҳам жорий йилда уларнинг ишга туширилиши маҳаллий хом ашё асосида бир нечта импорт ўрнини босувчи маҳсулотлар тайёрлаш имконини берди ва янги иш ўринлари яратилмоқда.

Асосий буюртмачилар хусусида тўхталадиган бўлсак, Олмалик ва Навоий тоғ-кон металлургия комбинатлари, «Ўзбекистон темир йўллари» ДАК, «Ўзметкомбинат» ишлаб чиқариш бирлашмаси, «Ўзкимёсаноат», «Ўзқурилишматериаллари» акционерлик компаниялари ана шунлар жумласидандир. Буюртмачиларнинг талаби вақтида ва сифатли қондирилиши мустаҳкам алоқалар ҳамда янги фойдали шартномаларга замин яратмоқда.

Корхонада ишлаб чиқариш ҳажминини ўтган йилга қараганда 30 фоизга ошириш режа қилинган. Албатта, бозор ва харидор талаблари даражасидаги маҳсулот турлари ҳам ишлаб чиқаришга жорий этилади. Ҳозирда 150 нафар ишчи-хизматчи меҳнат қилаётган корхонада келгусида қўшимча ишчи ўринлари яратиш ҳам кўзда тутилган.

Шарофат БАҲРОМОВА

